

2 Pida

Pida köp hain nibö u kali kliš rika

1 ¹Yad Saimon Pida, Jisas Krais manö ud arep bi ap. Yad wög gep bi nipe ap midpin.

God hon Jisas Krais hanip ud kamiņ yua u, nipe Bi aij unbö ke. Jisas Krais hanip mög niņöm gasi aij nō, hon nip niņ udpun. Kale nibi bi gau, Jisas Krais kalöp gasi aij nō, kale u rö nöp nip niņ udpim gau, kalöp köp anibi kali kliš rikabin. ²Kale God abe, Bi Kub hon Jisas abe, kalip gasi niņ midpe, kale apil mihau kalöp mög niņmil, ud aij gimil, abad midlö, kale pör pör agamiņ mid aij gimim.

God hanip uda a gun, nip cig aij gun

³Hon nibi bi Jisas Krais lau adö midpun gau, nan si nan naj arö gun, nipe hagöp rö nöp gi midaiun rö löp. Hon Jisas Krais nip niņ udpun u me, Krais nipe u rö nöp God midöm, klö nipe nöp hanip nō, hon God Manö hagöp rö nöp gi midaiun rö löp. Nipe Bi aij unbö ke, Bi mailö aij yabił halö pen nipe hanip gasi niņöm, nibi bi yad ke midaiöl, a göm, hanip hag la. ⁴Anib u, Jisas Krais nan aij yabił anib gau hanip nōb. Nan aij aij nōb u udun, gasi naj minöņ naböņ i i niņöm lug paköl rö löp gau arö gun, God nipe ke midöp rö midaiun rö löp.

⁵Anibu, Krais kalöp gasi aij nō, nip niņ udpim. Pen kale Jisas Krais niņ udöl gi midmim, kale klö gimim, nibi bi gau kalip gi aij gimim. Pen kale nibi bi gau kalip gi aij nöp göl gi midmim, kale klö gimim, Jisas Krais nipe Bi aigale Bi rö midöp manö yuö yabił u niņ aij gimim. ⁶Pen kale Jisas Krais nipe Bi aigale Bi rö midöp manö yuö yabił u niņ aij nöp göl gi midmim, kale klö gimim, hañ romaņ kale gasi göp rö gagmim. Pen kale hañ romaņ kale gasi göp rö gagmim, kale klö gimim, Jisas Krais nip niņ ud pidöņ gimim, cig aij gi midmim, nipe hagöp hagöp rö nöp göl gi midaimim.^a ⁷Pen Jisas Krais nip nöp

^a 1:6 Gal 5:22-23

gasi niŋmim cig aij gimim, nipe hagöp hagöp rö nöp göl gi midmim, kale klö gimim, añ mam gau pen pen ud aij gipal rö, kale Krai nibi bi añ mam kale gau pen pen ud aij gimim. Pen kale Krai nibi bi añ mam kale gau pen pen ud aij göl gi midmim, kale klö gimim, Krai nibi bi añ mam kale gau pen pen midmagö limim. ⁸Pen yad aui manö nihön nihön kali kliñ rikajin u, kale nan anibu nöp gasi niŋ aij gimim, klö gimim gi mideinabim u, kale Bi Kub hon Jisas Krai nipe Bi aigale Bi rö midöp, a gi gasi niŋmim, wög nip gi aij gipe, nip nan magö aij rimnap pilnab. ⁹Pen yad aui manö nihön nihön kali kliñ rikajin u, kale rimnap nan anibu niŋagnabim u, kale nibi bi amgö we rö. Nan si nan naij gipim u, God nipe gac anibu hik gi yua u hauŋ gipim.

¹⁰Anib u, añ mam yad gau. God gasi nipe ke niŋöm, yip hain göm nibi bi yad midaiöl, a göm, kalöp udöp u, klö gimim nip hain gimim, nibi bi nipe midaimim. Anig gimim me, Krai manö aij nipe u pör nöp niŋ ud pidöŋ gimim, gi dammim, arö gagnabim. ¹¹Pen Bi Kub hon Jisas Krai hanip ud asik yuöp u apöm, kalöp hag wiŋhai udöl gi, nibi bi nipe pör pör abad mideinab ram raul miŋan anibu da löm abad mideinab.

God manö hagep bi gau, Ana Uŋ kalip gasi ñö niŋöl gi God manö hagla

¹²⁻¹⁵Kale manö hagajin anibu niŋmim, hadö ud aij gipim, pen yad pör nöp kalöp manö anibu hagöl gi nöp mideinabin. Bi Kub hon Jisas Krai yip, umnabön, a göm, ñin hag la u söl auöp u me, hañ romanŋ halö midpin ñin i, yad klö gem, kalöp manö anibu hagöl gi nöp mideinabin u aij. Anig ginabin u, kale hauŋ gagnabim; yad umnabin pen kale manö anibu niŋöl gi mideinabim.^b

¹⁶Kalöp nöd hagem, Bi Kub hon Jisas Krai ke yabiŋ löm klö halö aua, a gino u, aiud kliñ aij udpal rö hagagno. Nöd Bi Kub anibu ke yabiŋ klö halö lö, amgö hon ke niŋun, hainö kalöp hagno.^c ¹⁷⁻¹⁸Ñin anibu, hon Jisas Krai aip am dum uŋ au midaino niŋöl gi, Bapi God mailö aij yöl nipe u apöm, Jisas Krai hib nipe dap ranöm haga, “Bi i Ñi midmagö aij yad; nip niŋnö yip aij yabiŋ göp,” a ga. God nipe anig hagö, hon ke manö nipe u apdi niŋno.^d

¹⁹Hon ke God manö apdi niŋno u me, hon niŋbun, bi God manö hagep gau kale manö hagla u, God manö nipe nöp hagla; manö böŋ nöp udep u nöp hagla. Manö hagla anibu, hapö miŋaŋ sibön yaŋ lauöm lilö, hanip mailö yamöb rö u göp. Mailö anibu, ñi löl gi damöm, ram minöŋ rikniŋ gö niŋöl gi, gapi paglin hañ aunab midmagö aŋ kale daŋ niŋnabim. Hañ aunab u, ram böŋ nöp riköp u rö ginab. ²⁰Manö hagabin i niŋ aij gimim: God manö hagep bi gau God Manö nipe kali kliñ riköm hagla u, gasi kale ke nöp niŋöm, manö iŋ u hagöl rö lagöp. ²¹Nihön

^b 1:12-15 2Ko 5:1; Jon 21:18-19 ^c 1:16 Mad 17:1-5 ^d 1:17-18 Mad 17:5

giniḡ: God manö hagep bi gau, God manö u hagniḡ, ke niṅla rö hagagla; Ana Uł nipe kalip gasi ñö niṅöl gi, God manö hagla.^e

Bi God Manö hagabun, a göm, manö piral hag ñibal gau

2 ¹Hadame nöp bi rimnap, God manö hagabun, a göm, nibi bi Isrel kalip manö piral hag ñimidal. Gila anibu rö, nibi bi rimnap aṅ kale u midöm, u rö nöp manö piral haglö, nibi bi rimnap manö piral kale u niṅnabim rö löp. Bi Kub kalip rau adog uda u nipe Bi Kub wasö göm, hag junaböl. Pen kale manö piral hagöm aniḡ ginaböl u, God gö, adiṅ pen ilön kub yabił udnaböl.^f ²Kale gi naj yabił giṅpal. Krais nibi bi nipe midpal nibi bi iru nöp manö piral kale u udöm, u rö nöp ginaböl. Aniḡ ginaböl rö, nibi bi gau niṅöm, adan kamiṅ arep u rau aciṅ aciṅ ginaböl. ³Mani nan gau udun, a göm, kalöp manö piral yabił hagnaböl. Aniḡ ginaböl u pen God nipe hadame nöp niṅ nöp midmidöp. Nipe kalip manö kub hagöm al pak liniḡ gab. ⁴God ejol nan si nan naj gila gau kalip ulöm miḡan naj yaṅ yuö, nagi kłö sibön auöp au midöm, God manö kub hagnab ñin u abad midpal.^g ⁵Pen hadame dagol gau nibi bi nip arö gila gau, God kalip möḡ niṅaga. Nipe gö, möṅ kub alöm ñiḡ ul ap ranö, nibi bi gi naj gila gau magöṅhalö ñiḡ ñiṅöm um hakla. Pen bi ne Noa nibi bi gau kalip, God hagöp rö nöp gimim, a gimidöp. Anib u, God nipe Noa abe, nibi bi nipe unbö mudun jiṅ abe, kalip nöp abad midöm ud kamiṅ yua.^h ⁶Pen nibi bi God Manö hagöp rö gagnaböl gau, kalip ginabin u nibi bi gau magöṅhalö niṅ aij gilaṅ, a göm, mab miṅaṅ u kumi kabö adö laṅ nibö yuö, apöm Sodom Gomara nibi bi kalip böṅ nöp in habik ara.ⁱ ⁷Lod nipe, nibi si bi si göm, nan naj yabił gimidal u niṅöm, gasi kub niṅmidöp u, God nip ud kamiṅ yua.^j ⁸Lod bi aij, aṅ kale gau midöm, ñin aṅi aṅi pör pör God lo manö nipe u rib juöm, nan si nan naj gimidal gau amḡö niṅöm, manö naj hagdimal gau apdi niṅöm, iru yabił ga. ⁹Nipe nöḡ aniḡ ga rö, hon niṅbun, marö niḡön niḡön aunab, Bi Kub nipe nibi bi God Manö hagöp rö giṅpal gau kalip abad midöm, ud kamiṅ yunim rö löp. Pen nibi bi God Manö hagöp rö gagpal gau nagi rö lö, marö udöl gi, manö kub hagep ñin u abad mideinaböl. ¹⁰Pen nibi si bi si gimidal gau, manö kub ke yabił udnaböl. Nibi bi kub kalip abad midpal gau, manö kale niṅagöm, gasi kale ke auöp rö giṅpal nibi bi gau abe, manö kub ke yabił udnaböl.

God Manö hagabun, a göm, manö piral hagpal bi anib gau, piṅiṅ göm ana udagöm, bi mailö aij ke halö kumi kabö adö laṅ au midpal gau kalip hałöwałö hag jubal.^k ¹¹Ejol gau anibu rö gagpal. Ejol kale bi kłö yabił midpal u pen kale Bi Kub amḡö ilö nipe au bi anib gau kalip hag juagpal.^l

^e 1:21 2Di 3:16; 1Pi 1:11-12 ^f 2:1 Mad 24:11; Jud 4 ^g 2:4 Jud 6 ^h 2:5 Jen 6:1-7:24; 2Pi 3:6

ⁱ 2:6 Jen 19:24; Jud 7 ^j 2:7 Jen 19:1-16 ^k 2:10 Jud 7-8,16 ^l 2:11 Jud 9

12 Pen bi God Manö hagabun, a göm, manö piral haggal bi anib gau, wal wayöŋ gau gasi midagöp haŋöwaŋö gipal rö u gipal. Kale gasi midagöp pen kale manö naj yabiŋ haggal. Gipal anibu, wal wayöŋ hel libal udöp u rö, kalip ginab. Umnaböl me.^m 13 Kale nibi bi gau ilön ñibal u pen kale ke ilön udnaböl. Kale gi naj göl gi, sidö aŋ nan kub ñiŋöl gi, ñiŋ klö ñiŋöl gi, haŋöwaŋö gi damöm, nable udagpal. Nibi bi anib gau kale apöm, kalöp aip magum göm nan ñiŋbal u, kale midmagö uraknab rö haŋöwaŋö gi damöm, nan gac göp ap rö aka wös hapeb ap rö libal. 14 Kale pör pör nöp nibi si udun, bi si udun, a göm, amgö li nöp ajpal. Nibi bi Kraiŋ nip cig aij gaggal gau kalip neb neb gi dap kid kale u amöm, nan si nan naj gipal. Nan gau nan hon nöp mideiaŋ, a göm, gasi u nöp niŋbal. God nipe gi naj yabiŋ gipal gau niŋöm, kalip pen ilön kub yabiŋ ñinig gab.

15 Kale adan kabö göl adö u arö göm, nan si nan naj gun, a göm, gasi u nöp niŋbal. Bi Beo ñi nipe Belam ga rö nöp gipal. Belam mani nan gau udnam, a göm, gi naj ga.ⁿ 16 Kaj donki gau manö hagaggal u pen donki nipe u, bi haggal rö Belam nip hag gö, piral hagnig geia anibu arö ga. Anib u, Belam gi naj ga anibu, God Belam nip hag ga.^o

17 Pen mañ rimnap, ñig milniŋ amun niŋbun, ñig ilam juöp gau miŋep göp. Mañ rimnap möŋ alniŋ gö, yigön kub apöm hiŋö, alagöp. Anib u rö me, bi manö pir alep bi gau, God Manö hag ñabun, a gipal. Aniŋ gipal u, God kalip sibön kub auöp aŋ gau hag yunab.^p

18 Bi anib gau, hib kale ke dap ranöm haggal, “Hanip hain gimim, midmagö uraknab rö haŋöwaŋö gimim,” a gipal. Nibi bi rimnap nöd bi niŋeb kale gau aip ajöm, gi naj göm haŋöwaŋö geila, pen hainö gasi aij niŋöm nagi adö anibu arö göm, söŋ mid aij ginig gaböl. Pen bi naj anib gau amöm, nibi bi uri söŋ mid aij ginig gaböl gau gasi naj ñilö, kale adan aij u arö göm, ado göm, kauyaŋ nan si nan naj u gipal. 19 Bi naj anib gau haggal, “Kale midmagö uraknab rö haŋöwaŋö ginabim,” a gipal u pen bi naj gau kale ke nan si nan naj gep magö u nagi wög gep nibi bi rö midpal. Bi rimnap apöm, bi rimnap aip pen pen göm, nagi linaböl u, kale nagi wög gep bi kale midpal. Nan si nan naj gep magö u, nibi bi rimnap aip pen pen göm nagi linab u, kale nan si nan naj anib gau nagi wög gep nibi bi rö midpal. Nagi wög anibu gi damöm, yiŋariŋ midaiöl rö lagöp. 20 Nöd Bi Kub hon Jisas Kraiŋ hanip ud kamiŋ yuöp u nip niŋ udöm, nibi bi aip ajöm nan naj minöŋ naböŋ iŋ i gasi niŋöm haŋöwaŋö gimidal gau arö göm, mid aij gila. Pen hainö u, kale ado gi amöm, nan si nan naj nöd gimidal adan anibu kauyaŋ arnaböl u, nöd naj midmidal rö wasö, uri naj yabiŋ mideinaböl.^q 21 Kamiŋ midep nagi u niŋagblap u, aij rö giböp. Pen God kalip haga manö aij u niŋöm, hainö arö ginaböl u, gi naj yabiŋ

^m 2:12 Jud 10 ⁿ 2:15 Nab 22:7; Jud 11; Rep 2:14 ^o 2:16 Nab 22:28-35 ^p 2:17 Jud 12-13
^q 2:20 Mad 12:45

ginaböl.^r ²² Bi God Manö arö gipal gau, kale manö mihöp hadame nöp hagmidal u rö gipal. Manö mihöp anibu ap hagla, “Kain gau ðihaköm ado gi apöm, nan ðihak libal u kauyañ ñiñnaböl,” a gila. Manö ap pen hagla, “Kaj gau ñig paköm, adiñ wañeb karkol ginaböl,” a gila.^s

Jisas hainö ado gi aunab, a gimim, gasi halö midaimim

3 ¹ Nibi bi midmagö yad gau. Kalöp köp ap nöd kali kñiñ rik yunö. Miñi köp hain nibö kalöp kali kñiñ rikabin. Köp mihöp pen it añi nöp. Yad kalöp köp mihöp kali kñiñ riknö, kale manö nöd niñbe u niñ aij gimim, gasi niñöl gi nöp mideinabim, a gem, kalöp köp mihöp kali kñiñ rikpin. ² God nipe ke bi manö hagep uñ nipe gau hag lö, kale hadame nöp manö nipe hagla. Ud Kamiñ Yuep Bi hon, Bi Kub hon u, nipe ke bi manö ud arep nipe hag lö, manö klö hagöm anig gimim, a ga, manö u hag ñimidun. Manö anibu nöp, kale hadame hagla abe, hon uri hagabun abe, niñ midaimim, a gem, kalöp köp anibi kali kñiñ rikabin.^t

³ Pen nan kub hagabin i niñim. Ñin hain midpun i rö, nibi bi gasi naj kale ke niñbal rö gipal gau, rimnap apöm Jisas Kraiss manö aij nipe u hag juöm hagnaböl,^u ⁴ “Bi aunabin, a göm, manö hag la u, aunab miñan gai niböñ Nibi bi nöd nibö gau midlö niñöl gi, aunabin a ga u pen kale umhakla u auagöp. Nan magöñhalö hadame dagol gi la ñin u mideia rö nöp midöp,” a ginaböl.^v ⁵ Bi anib gau, God hadame dagol gau manö nöp hagö, kumi kabö adö lañ löm, ñig u gígabö göm, minöñ naböñ u añ yañ löm ga. God ga anibu, kale niñ aij gipal u pen kale niñebir arö gipal.^w ⁶ Hainö, God manö nöp hagö, ñig anib gau apöm, minöñ naböñ nan gau nöd midmidöp u yuö yuö gö, böñ nöp naj ga.^x ⁷ God manö anibu nöp hagö, kumi kabö adö lañ abe minöñ naböñ it i abe uri mid aij göp u pen nibi bi God Manö gagöp rö gagpal gau kalip manö kub hagöm ilön kub ñinab ñin u, kumi kabö lañ abe minöñ naböñ it i abe mab lauö böñ nöp innab.

⁸ Pen nibi bi midmagö yad gau. Manö ap hauñ gimim rö löp. Hon ñin añi ap niñbun u pen Bi Kub niñö mi iru yabiñ rö löp. Hon mi iru yabiñ nöp wö ral niñbun u pen Bi Kub niñö ñin añi ap nöp rö löp.^y ⁹ Anib u, Bi Kub nipe, aunabin, a göm, yiñid auagöp u, nibi bi rimnap manö nöp hagöm arö gipal rö gagöp; nibi bi nan si nan naj göm, mab ke yañ arniñ gaböl gau, rimnap ur gagöl, kale magöñhalö yip lau adö aulö kalip udnam, a göm, abad midöp.^z

¹⁰ Pen Bi Kub aunab u, bi nan si udep gau kalip niñ midlö auagpal rö u aunab. Ñin anibu, gu miñöbö hagö niñöl gi, kumi kabö mu adö lañ ke ke

^r 2:21 Luk 12:47-48 ^s 2:22 Pro 26:11 ^t 3:2 Jud 17 ^u 3:3 1Di 4:1; Jud 18

^v 3:4 Mad 24:48 ^w 3:5 Jen 1:6-9 ^x 3:6 Jen 7:11; 2Pi 2:5 ^y 3:8 Sam 90:4 ^z 3:9 Hab 2:3; 1Di 2:4

arnab. Gapi nan nihön nihön kumi kabö adö laŋ midöp gau inöm, minöŋ naböŋ iŋ i nan nihön nihön midöp gau magöŋhalö innab.^a

¹¹Hainö nan gau magöŋhalö aniŋ göl innab a gimim, kale uri gi aij ginabim aka haŋowaŋö ginabim? Ñin kub aunig gab anibu gasi niŋmim, God Manö hagöp rö nöŋ gimim nibi bi uŋ nipe midaimim. ¹²Pen God ñin kub nipe u yinid aunim a gimim, manö aij nipe u nibi bi gau kalip hag ñöl gi midmim. Ñin anibu, rakin, gapi, nan kumi kabö adö laŋ gau, in ñig bad linab u pen ¹³God kumi kabö adö laŋ abe, minöŋ naböŋ iŋ i abe, hain nibö ginabin, a göm, manö hag la u abad midpun. Ram hain nibö anibu, nibi bi God aip midöm nipe hagöp rö nöŋ gilö arnab.^b

¹⁴Anib u, nibi bi midmagö yad gau. Nipe aunab, a gimim, abad midpim ñin i, gasi klö niŋmim, God amgö ilö nipe nibi bi asiŋ midagöp, nibi bi manö midagöp rö midun, nip aip jim ñöl midaiun, a gimim, gipe arö me, nipe apöm kalöp niŋö, aij yabiŋ ginim. ¹⁵Pen nipe yinid auagöp u, kale gasi niŋmim, kalöp nibi bi rimnap halö yip lau adö aulö, yad ud kamiŋ yunam, a göm, abad midöp. God nipe mam midmagö hon Pol nip gasi aij ñö niŋöl gi, kalöp köp kali kliŋ riköm, manö aŋi anibu rö haga.^c ¹⁶Pol manö nipe kali kliŋ rika u, köp nipe rika gau magöŋhalö manö aŋi anibu nöŋ midöp. Pol köp nipe gau manö uŋham niŋeb rö rimnap halö hagö me, nibi bi God Manö niŋagöm, Kraiŋ nip ciŋ aij gagpal gau, Pol manö uŋham niŋeb anibu niŋöm, ado göm manö piral adö u hagpal. God Manö bi rimnap kali kliŋ rikla gau, kale u rö nöŋ manö anibu niŋöm, ado göm manö piral adö u hagpal. Aniŋ gilö, God manö kub hagnab ñin u adan kale kamiŋ arep ap midagnab.

¹⁷Pen nibi bi aij yad gau. Kale manö anibi hadö niŋbim u me, niŋ aij gimim. Kale uri Kraiŋ nip ciŋ aij gimim midpim. Pen nibi bi rimnap apöm, manö piral haglö, kale u rö nöŋ gasi naij niŋmim, kale gi naij giŋal rö gimim, ap lug pakmim rö löp.^d ¹⁸Pen Bi Kub hon Jisas Kraiŋ hanip ud kamiŋ yuöp u, nipe nibi bi mög niŋöm ud aij göp u niŋbim rö, Jisas Kraiŋ nip niŋ aij yabiŋ gun, a gimim, gasi anibu niŋöl gi midpe arnim. Bi Kub hon hib nipe u pör nöŋ pör nöŋ hagno adö arnim! Anib unbö rö aij.

^a 3:10 Luk 12:39; 1De 5:2; Mad 24:29,35 ^b 3:13 Ais 65:17; 66:22; Rep 21:1,27

^c 3:15 Ro 2:4 ^d 3:17 Mak 13:33; 1Ko 10:12